



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 6. Cebennensium Hugonotarum rebellio contra Franciæ Regem.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII.
A. C. 1702.

§. VI.

*Cebenensium Hugonotarum rebellio
contra Franciæ Regem.*

*Calmet hist.
Univ. l. 155.
pag. 171.
Hode Hist.
de Louis
XIV. l. 55.
Vid. supra
l. 210. §. 44.
pag. 523.
tom. 65. §.
l. 209. §. 46.
pag. 220.*

Recruduit hoc anno Cebenensium Calvinistarum rebellio, cujus Authores a Galliarum Rege oppressos, jam alibi memoravimus: cum autem Calvinianæ sectæ hydra nil solemnius habeat, quam, dum ejus capita per partes resecta mox renascuntur, ipsa tum rictus suos eo atrocius exerat, ita etiam Cebenenses Occitaniae populi, infaustæ Albigenensium & Waldensium reliquiae, ferme ad incitas redacti, postquam ad Calvini castra transierunt, identidem seditiosis motibus in Regem & Catholicos sævire cæperunt. Equidem revocato Nannetensi edicto eorum nonnulli, potius pœnarum metu, quam agnitæ veritatis amore fidem Catholicam amplectebantur, aut potius amplecti simulabant; secreto enim sectæ Calvinianæ exercitiis consuetisque deliriis suis fanaticis vacabant; avide præstolantes propitium temporis momentum, quo palam hæresis suæ libertatem armis vindicare possent: Peropportunum eis acciderat bellum exterum, quod Gallis infaustum fore præsagiebant foedera potentissimorum Prin-

Principum contra Ludovicum Franciæ Regem inita: infelices quoque Cebennenses ad arma capeffenda stimulabant Angli & Batavi, qui hosce fanaticos rebelles fratrum nomine honorabant, eorumque seditione ac bello domestico Gallicas vires distractum iri sperabant: Ut vero apertæ rebellionis calumniam a se amolirentur, pro more suo seditiosos motus specioso necessariæ defensionis obtentum honestare, die decima quinta Martii edito scripto satagebant; causabantur igitur, quod ipsis Neconversis graviora, quam ceteris Catholicis imponerentur tributa, & Præfecti regii eos in adoptata religione Catholica persistere cogent, necnon Chaylanus Abbas duas cujusdam Nobilis filias de hæresi suspectas non ad Monasterium, uti conventum fuisset, sed ad arces suas detruserit. Hæc prima erant innovatæ rebellionis argumenta: Postquam vero Mense Junio quidam regii tributorum exactores hoc anno in Cebennensium pagis nonnullos, qui tributum solvere præfracte recusabant, capite damnarunt, hi fanatici apertæ rebellionis vexillum attollere statuerunt: primo igitur hosce exactores insano furore in eorum ædibus noctu invadunt, eosque unacum exactionum schedis ad collum appensis

Hist. Eccles. Toim. LXVII.

C ex

Sæc. XVII
 A. C. 1702.

ex arboribus vicinis suspendunt, postea contractis, crematisque sacris imaginibus, vasis sacris profanatis, incensis Catholicorum Ecclesiis, sacerdotibus ad Altare jugulatis ubique cruenta Calvinianæ crudelitatis vestigia relinquunt. Ut ergo hisce violentiis tempestive repagulum objiceretur, Broglius Comes supremus Provinciæ Præfectus copias suas unacum Montpessulanis Satellitibus in hosce rebelles emisit, qui etiam, quos deprehendere poterant, præmeritis pœnis plectebant. Verum condigna hæc severitas ceteros adeo non ad criminis detestationem permoverat, ut etiam effratriones effecti, magno numero confluerent, & spurio sectæ Zelo animati, totam alpium regionem, pagos & oppida rapinis, incendiis, omnique crudelitatum genere vastarent, ac obvios quosque Parochos, Sacerdotes & Religiosos misere trucidarent: Postea continuato violentiæ cursu eorum serme quingenti usque ad Alesianæ Provinciæ fines excurrerunt, qui tamen aucto regii militis numero ad inaccessas alpes recesserunt, tres vero eorum deprehensi, capitali rota interempti sunt: cum horum rebellio tam violentiarum enormitate, quam confluentium Calvinistarum numero indies magis magisque invalesceret,

ret, Ludovicus Rex Montrevellium
 Marefcallum cum valido agmine emi- Sæc. XVII.
 fit, ut hosce furiosos ad officium redi- A. C. 1702.
 geret: Hic die decima Februarii anni
 fequentis ad Pontem S. Spiritus pene-
 trans, cunctis rebellibus (exceptis ta-
 men præcipuis feditionis Authoribus)
 delicti veniam obtulit, si positis armis
 ad obsequium reverfuri essent. Verum
 hi quosdam excludi indignantes, bel-
 lum profequi statuerunt, Anglico Ba-
 tavoque auro & armis suffulti, necnon
 rebellionis mox in toto Regno erupturæ,
 ac divini auxilii, quod Enthusiastæ
 quidam eis pollicebantur, spe ac fidu-
 cia excitati: Animis igitur ad novas
 crudelitates restauratis ipsam quoque
 patriam cæde, incendio, rapinis &
 clade vastant, diripiunt Catholicorum
 ædes, agrestium vicos & villas exscin-
 dunt, agros exurunt, ac præcipue
 Catholicos, Sacerdotes & Religiosos
 barbara crudelitate interficiunt: sæpe
 cum regio milite confligunt, infausto
 plerumque successu; unde incensis eo-
 rum pagis non pauci aut gladiis aut
 laqueo periere: nihilominus tantopere
 eorum excreverat numerus, ut in de-
 cem agmina divisi præcipuas Languedoc-
 iæ Urbes infiderent, ac publico pro-
 clamate suam feditionem honestare
 præsumerent. Aucta demum audacia
 C 2 suis

Sæc. XVII.
A. C. 1702.

*Vid. l. c.
pag. 257.*

suis copiis Præfectum nomine Cavalierum jam olim suæ factionis Ductorem præfecere, ac die decima tertia Aprilis anno hujus sæculi quarto ad S. Genesii oppidum penetrantes, urbem omni comœatu spoliarunt, incensoque Templo, & Catholicorum ædibus non paucos, imo ipsum quoque Parochum trucidarunt, pari immanitate Calvisonenfes Catholicos oppressuri: ast a regiis copiis invasi, in fugam acti sunt, trucidatis eorum sexcentis, ceterisque ad alpes retrusis. Revocato Montrevelio, Villarsius Marefcallus eidem subrogatus, ex rebellibus Primores convocari jussit, eisque Regis nomine pollicitus est, cunctis præteritorum oblivionem indultum, captis proscriptisque libertatem, bonaque ærario addicta restitutum iri, dummodo sincere ad Regis obsequium reverti vellent, liberum etiam Cavaliero sibi que adhærentibus fore, ut Regno excedere possent. Oblatis cessit Cavalierus, quem tamen rebelles præcipui tanquam proditorem, ac perfidum fratrem execrabantur, atque a Rolando novo Ductore animati, rebellionis telam pertexere cæperant: quo tamen trucidato, & quinque aliis seditionis Authoribus captis, ac rotæ supplicio multatis, cæteri bina clade protriti amissis suorum

rum

rum ferme bis mille, oblatæ veniæ Sæc. XVII.
 gratiam acceptarunt, eorumque non A. C. 1702.
 pauci regiis publicæ securitatis literis
 muniti venditis suis bonis e Regno in
 Angliam, aliasque regiones emigra-
 runt. Hic demum exitus fuit Calvi-
 nianæ rebellionis novissimæ, qua ta-
 men Hugonotæ ipsimet comprobatum
 reddebant, quam æqua & necessaria
 fuerit revocatio Nannetensis edicti,
 quo vigente, & paucis licet Calvinistis
 etiamnum toleratis, nunquam Franciæ
 Regnum ab intestino tumultu quietem
 sperare potuit: quapropter quamvis
 horum rebellium manipulus sæpius post-
 ea seditiones ciere tentaret, semper ta-
 men Ludovicus eos tanquam Regni
 perturbatores repressit, maluitque in
 excindenda hac peste vires suas atteri,
 quam eos tolerando Religionis officiis
 deesse: Ea etiam de causa in Arausio-
 nensi Principatu, quem a Contio Prin-
 cipe receperat, Calvinistarum Templo
 occludi ac denuntiari iussit, se non-
 nisi religionem Catholicam in Regno
 suo permissurum, qui ergo eam am-
 plecti renuerent, divenditis bonis suis
 Regno excederent: quapropter Calvi-
 nistarum non pauci relictis etiam bonis
 suis clam aufugere, & navibus, quas
 Tulonii & Massiliæ ad eos deportandos
 Rex paratas haberi præcepit, uti de-
 digna-

Sæc. XVII. dignabantur. Ita nempe omnis sectæ
A. C. 1702. comes individuus est infana perti-
 nacia.

§. VII.

*Carolus Thomas Turnonius ad Sina-
 rum Imperium missus.*

*Clem. XI.
 Brev. &
 Epist. p. 132.*

Jam anno priori summus Pontifex Ca-
 rolum Thomam Turnonium Patriar-
 cham Antiochenum unacum aliquot
 pietate & doctrina probatis Viris tan-
 quam Visitatorem Apostolicum in Si-
 nas mittere decreverat, ut de contro-
 versis Sinensium ritibus referret, &
 summi Pontificis, necnon Sacræ Con-
 gregationis decreta desuper condenda
 executioni daret. Hic igitur die duo-
 decima Julii hoc anno perarduum hoc
 iter aggressus est, Pontifex vero jam
 die septima Januarii ad Franciæ & Hi-
 spaniæ Reges literas dabat, enixe ro-
 gans, ut eundem hunc Vicarium, ejus-
 que expeditionem juvare ac fovere ve-
 lint. Pariter utriusque Tartariæ & Si-
 narum Imperatorem datis die vigesima
 Junii literis rogabat, ut pro ea, qua
 ab omnibus commendatur, animi ma-
 gnitudine Turnonium Præsulem tot
 tantisque dotibus exornatum liberali-
 ter recipere, eidemque plenam fidem
 in iis, quæ Pontificis nomine explica-
 turus